

LAGU DOLANAN BOCAH

SLUKU-SLUKU BATHOK

Sluku-sluku bathok
Bathoke ela-elo
Si Rama menyang Sala
Leh-olehe payung motha
Mak jenthit lolo lobah
Wong mati ora obah
Yen obah medeni bocah
Yen urip goleka dhuwit.

LIR-ILIR

Lir-ilir, lir-ilir
Tandure wus sumilir
Dak ijo royo-royo
Dak sengguh temanten anyar
Cah angon, cah angon
Penekna blimbing kuwi
Lunyu-lunyu penekna
Kanggo mbasuh dodotira
Dodotira, dodotira
Kumitir bedhah ing pinggir
Dandamana, jlumatana
Kanggo seba mengko sore
Mumpung padhang rembulane
Mumpung jembar kalangane
Ya suraka, surak horee!!

PADHANG MBULAN

Yo pra kanca dolanan ing njaba
Padhang mbulan padhange kaya rina
Rembulane kang ngawe-awe
Ngelikake aja turu sore-sore

JARANAN

Jaranan, jaranan
Jarane, jaran teji
Sing numpak ndara bei
Sing ngiring para mentri
Jeg-jeg nong, jeg-jeg gung
Jeg-jeg nong, jeg-jeg gung
Jeg-jeg, gedebug krincing
Gedebuk krincing, gedebung krincing
Jeg-jeg, gedebug jedher.

MENTHOG-MENTHOG

Menthog, menthog, dak kandhani
Mung lakumu angisin-isini
Mbok ya aja ngetok
Ana kandhang wae
Enak-enak ngorok
Ora nyambut gawe
Menthog-menthog, mung lakumu
Megal-megol gawe guyu.

GUNDHUL-GUNDHUL PACUL

Gundhul-gundhul pacul, cul,.. gembelengan
Nyunggi-nyunggi wakul, kul.. gembelengan
Wakul ngglimpang, segane dadi sak ratan
Wakul ngglimpang, segane dadi sak ratan.

CUBLAK-CUBLAK SUWENG

Cublak-cublak suweng
Suwenge ting gelenter
Mambu katundhung gudel
Pak empong lera-leru
Sapa ngguhu ndhelikake
Sir-sir pong dhele kopong
Sir-sir pong dhele kopong.

JAMURAN

Jamuran, ya gegethok
Jamur apa, ya gegethok
Jamur gajih mbejjijih sak ara-ara
Sira mbadhe jamur apa?

... (senggakan)

Jamuran, ya gegethok
Jamur apa, ya gegethok
Jamur gajih mbejjijih sak ara-ara
Sira mbadhe jamur apa?

SEPURAN

Sinten numpak sepur lunga nyang Kediri
Wong nike sepur dhur, bayare setali
Sapa trima mbonceng, konangan kondhektur
Yen didhendha kenceng, napa mboten kojur
Sinten numpak sepur lunga dhateng Nganjuk
Sinten pengin makmur, aja seneng umuk.

BUTA GALAK

Buta, buta galak, solahe lunjak-lunjak
Ngadeg jingkrak-jingkrak, nungkak kanca nuli nandhak
Bali ngadeg maneh, rupane ting celoneh
Iku buron apa, dak sengguh buron kang aneh
Lha wong kowe, we, we, sing marah-marahi
Lha wong kowe, we, we, sing marah-marahi
Gawemu sok ngono, hi, hi aku wedi
Ayo kanca ngajak bali
Galo kae, galo kae, mripate plerak-plerok, rok, rok, rok, rok
Kulite ambengerok, rok, rok, rok, rok...
Ya kulite, ambengerokk....

SUWE ORA JAMU

Suwe ora jamu, jamu godhong tela
Suwe ora ketemu, ketemu pisan aja gela
Suwe ora jamu, jamu godhong kenikir
Suwe ora ketemu, ketemu pisan dadi pikir